



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1442. usque ad annum 1460

**Fleury, Claude**

**August. Vind. [u.a.], 1768**

**VD18 90118324**

§. 81. Amurates Europam ingressus, Christianis occurit

---

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)



## §. LXXXI.

Sæcul. XV.  
A. C. 1444.*Amurates Europam ingressus,  
Christianis occurrit.**Crucii Turco  
græc. lib. I.*

Amurates inducias a Christianis ruptas comperiens, haud minore studio ingentem exercitum instruere coepit, & primas eo curas intendit, ut superato Hellesponto in Europam penetraret, Christianorum copias aggressurus. Et vero res ipsi ex animi sententia successit. Quippe allatæ fuere a Cardinale Veneto classis Præfecto literæ, nuntiantes Ladislao, Amuratem vel elusis arte, vel auro corruptis militibus, qui arctissimas Hellesponti fauces infra Gallipolim observabant, ingenti multitudine cunctas copias suas reduxisse in Europam, necnon conjunxisse cum aliis, quæ non procul ab Isthmo in Thraciæ Chersoneso conveniant. De hoc transitu non eadem est Scriptorum sententia. Bonfinius testatur, quod Genuenses, cum Turcæ angustas hæc fauces declinata Christianorum classe, transire penitus desperarent, cunctis militibus liberum aditum vendidissent, pacto unius aurei pro singulis pendendi pretio. Qua ratione Turcarum exercitus in Europam penetraverit, non equidem explicat Chalcondyles, nisi quod dicat, cum animo agitent Turcæ, qua arte

*Bonfin. hist.  
Hung. de-  
sad. 6.**Chalcondyl.  
l. 6. sub fin.*



arte possent Christianæ classis impetum evitare, dum in angustias Hellesponti pervenissent, ab ipsis non amplius classem inventam, quoniam vehementissimo vento de repente exorto pulsa alio fuisset, sicque Turcarum copias remoto ulteriori obice facile trajecisse. Æneas Sylvius in quadam epistola ad Episcopum Papiensem scripta narrat, quosdam asserere, Turcarum Imperatorem copias suas Genuensium navibus transvexisse: se tamen hujus facti veritatem fide sua testatam nolle, nec sibi persuaderi posse, Genuenses tanta tamque indigna avaritia correptos, ut Christianorum sanguinem pecunia vendere præsumerent, nisi, subjungit idem Scriptor, eos diabolus, sicut Judam Iscariotem sibi subjecerit.

Sæcul. XV.

A. C. 1444.

Æn. Sylv.  
epist. 18.

## §. LXXXII.

*Amurates Christianorum copiis Varnæ  
obviam progressus.*

Sed utut hæc sint, id certum est, Amurates, sic penetratis Hellesponti fau-  
cibus, magnis itineribus obviam Christi-  
anæ processisse, eisque apud Varnam  
Mæsiæ inferioris urbem ad Pontum Eu-  
xinum occurrisse, hostemque ad pugnam  
provocasse. Ladislaus Rex, quamvis in  
sinistro crure vomica laboraret, nihilomi-  
nus ingenti pugnandi aviditate flagrabat,  
nec

Naucter. ge-

ner. 49.

p. 465.

nec